

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 400011 21 St
Tuzla, 23.01.2023.godine

OPĆINSKI SUD U TUZLI, stečajni sudija Antonela Đaković, u stečajnom postupku nad imovinom dužnika "CPM BH" d.o.o. za građevinarstvo i poslovni inženjering Lukavac u stečaju, ulica Partizanski Put bb, na prijedlog stečajnog upravnika i uz saglasnost Odbora povjerilaca, dana 23.01.2023.godine donio je sljedeće:

R J E Š E N J E

DAJE SE SAGLASNOST ZA GLAVNU DIOBU u stečajnom postupku nad imovinom dužnika "CPM BH" d.o.o. za građevinarstvo i poslovni inženjering Lukavac u stečaju.

ODREĐUJE SE ročište za glavnu diobu za dan petak 17.02.2023. godine sa početkom u 09,00 sati, koje će se održati u prostorijama Općinskog suda u Tuzli, ul. ZAVNOBIH-a, kancelarija 136, I sprat.

Na ročištu za glavnu diobu razmatrat će se prijedlog diobe koji je dostavio stečajni upravnik dana 11.01.2023.godine.

Ukupna priznata potraživanja u stečajnom postupku nad imovinom dužnika „CPM BH“ d.o.o. Lukavac, koja su razvrstana u viši isplatni red iznose 66.191,10 KM na dan oglašavanja.

Unovčena stečajna masa u stečajnom postupku nad imovinom dužnika „CPM BH“ d.o.o. Lukavac, koja je na raspolaganju za glavnu diobu iznosi 26.602,94 KM. U diobi se predlaže isplata potraživanja povjerioca višeg isplatnog reda u procentu od 40,19 % priznatih potraživanja. Za namirenje povjerilaca općeg isplatnog reda nisu preostala sredstva i neće biti nikakvog namirenja.

Popis potraživanja koja se uzimaju u obzir za diobu stavit će se na uvid u prostorijama Općinskog suda u Tuzli i na oglasnoj tabli suda.

Povjerioci mogu isticati prigovore na prijedlog diobe pismeno i na ročištu za glavnu diobu.

Stečajni upravnik će na ročištu položiti završni račun i podnijeti izvještaj.

Rješenje o određivanju ročišta za glavnu diobu bit će objavljeno na oglasnoj ploči suda, web stranici suda i u "Službenim novinama F BiH".

O b r a z l o ž e n j e

Rješenjem Općinskog suda Tuzla broj 32 0 St 400011 21 St od 28.09.2021.godine otvoren je stečajni postupak nad imovinom dužnika „CPM BH“ d.o.o. Lukavac.

Nakon provedenog postupka unovčavanja imovine stečajni upravnik je u spis suda dana 11.01.2023..godine dostavio Prijedlog diobenog popisa za namirenje povjerilaca stečajnog dužnika „CPM BH“ d.o.o. Lukavac. Prijedlog glavne diobe je usvojen na sjednici Odbora povjerilaca održanoj dana 10.01.2023.godine.

Obzirom da je unovčena sva imovina koja čini stečajnu masu dužnika, a na raspolaganju za glavnu diobu je iznos od 26.602,94 KM, od kog iznosa će povjerioci višeg isplatnog reda biti namireni u visini 40,19 % od ukupno razmotrenih i priznatih potraživanja višeg isplatnog reda, sud je temeljem odredbe čl.188. Zakona o stečaju (Sl. novine F BiH br. 53/2021) dao saglasnost za glavnu diobu i zakazao ročište za raspravljanje o prijedlogu diobe.

Sudija

Antonela Đaković

Pouka: Protiv ovog rješenja nije dozvoljena posebna žalba.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 400011 21 St
Tuzla, 24.01.2023.godine

Općinski sud u Tuzli, sudija Antonela Đaković, u stečajnom postupku nad imovinom dužnika "CPM BH" d.o.o. za građevinarstvo i poslovni inženjering Lukavac u stečaju, van ročišta dana 24.01.2023. godine, donio je sljedeće:

RJEŠENJE

Određuje se "RR-team" d.o.o. Tuzla da izvrši ocjene završnog računa u stečajnom postupku nad imovinom dužnika "CPM BH" d.o.o. Lukavac u stečaju, za period od 28.09.2021. godine kao dana otvaranja stečajnog postupka do dana sačinjavanja revizijskog nalaza i mišljenja.

Nalaže se stečajnom upravniku da revizoru stavi na raspolaganje svu neophodnu dokumentaciju radi izrade revizorskog izvještaja, a revizor se ovlašćuje da izvrši uvid u potrebnu dokumentaciju iz sudskog spisa predmeta.

Obrazloženje

U stečajnom postupku koji se vodi nad imovinom dužnika CPM BH" d.o.o. Lukavac u stečaju, potrebno je izvršiti reviziju stečajnog postupka, za period od 28.09.2021. godine kao dana otvaranjastečajnog postupka pa do dana sačinjavanja revizijskog nalaza i mišljenja.

Stečajni upravnik je podneskom dostavljenom sudu dana 11.01.20223. godine podnio zahtjev da sud rješenjem odredi revizora za izradu revizije stečajnog postupka nad imovinom stečajnog dužnika, jer je od strane Odbora povjerilaca na sjednici od 10.01.2022. godine utvrđeno da je najpovoljnija ponuda za vršenje revizije data od strane ponuđača "RR-TEAM" d.o.o. Tuzla u iznosu od 4.984,20 KM sa PDV-om.

Temeljem odredbe čl.70. st.2. Zakona o stečaju (Sl. novine F BiH br. 53/2021), određuje se ovlašteni revizor za ocjenu završnih računa i izradu izvještaja o provedenom stečajnom postupku, na način određen u izreci rješenja suda.

Sudija

Antonela Đaković

POUKA: Protiv ovog rješenja nije dozvoljena posebna žalba.